

詩

經

廣

詁

詩經廣詁 小雅

桐城徐璈輯錄

魚藻之什

第二十二

魚藻

三章

白帖周文有在鎬之樂

御宴類 璈按六帖所引殆出韓家唐書順宗本紀侍宴魚藻宮張

水嬉取義由此若如序說
刺幽則宮名不之取矣

有頌其首

韓詩曰頌衆貌

文釋

許慎曰頌大頭一曰頌也

說文引詩

爾雅樊光注有責其首

書用宏茲責正義曰釋詁責大也
樊註引蓋三家詩也說文引同

詩經廣詁

小雅 魚藻之什

有莘其尾

廣韻曰有鮮其尾魚尾長也

范家相曰頌首見臣侍君宴首壽于君也莘尾則宴畢而

散矣

隋書薛道衡上文皇帝頌帝覽之不悅顧謂蘇威曰道

衡致美先朝此魚藻之義

本傳按煬帝謂道衡陳古刺今有同序義也

采菽

五章

孔叢子孔子曰於采菽見古之明王所以敬諸侯也

記義篇

侯果曰采菽刺幽王侮諸侯也

周易輯解音

韋昭曰王賜諸侯命服之樂也

音語注左傳注同魏源曰此詩魯韓舊義皆以為

盛世朝會之樂章

何錫予之

白虎通何錫與之

考證

爵沸檻泉

說文爵沸檻泉

繫傳澤沸檻泉

言采其芹

王肅曰泉水有芹而人得采焉王者有道而諸侯法焉

正義

載駟載駟

陸德明曰駟馬曰駟

釋文

君子所屆

晏子春秋君子所誠

晏子翟王子羨臣于景公以重駕駟人嬰子說之晏子曰詩云載駟載駟

君子所誠夫駕非制也今又重此其爲非制也不滋甚乎用馬數倍淫于耳目不當民務此聖王之所禁也

彼交匪紆

荀子曰君子不傲不隱不瞽謹順其身詩曰匪交匪紆天

子所予

勸學篇 按此引彼交作匪交與漢志引匪傲匪倣同

樂只君子殷天子之邦

杜預曰殷鎮也謂諸侯有樂美之德可以鎮撫天子之邦

左傳襄公十一年注

平平左右亦是率從

荀子曰分不亂于上能不窮于下治辨之極也詩云云言

上下之交不相亂也

儒效篇引詩

韓詩曰便便左右便便閒雅之貌

釋文

服虔曰平平辨治不絕之貌

正義引左傳注

杜預曰便蕃數也言遠人相帥來服從便蕃然在左右

左傳

注 璩按左右荀子以上下言則右而上而左下也韓詩以威儀言則左右爲侍御僕從也此則以君之左右爲義

左傳襄公十有一年晉侯以女樂之半賜魏絳曰子教

寡人和諸戎狄以正諸華八年之中九合諸侯如樂之

和無所不諧請與子樂之辭曰夫和戎狄國之福也八

年之中九合諸侯諸侯無愿君之靈也二三子之勞也

臣何力之有焉抑臣願君安其樂而思其終也詩曰樂

旨君子殷天子之邦樂旨君子福祿攸同便蕃左右亦

魚藻之什

是帥從夫樂以安德義以處之禮以行之信以守之仁

以屬之而後可以殷邦國同福祿來遠人所謂樂也

汎汎楊舟

王逸曰楊木名也楚詞注引詩

緇緇維之

韓詩曰緇繫也文選哀策文注又曰緇祚也文釋

爾雅注緇緇維之

天子葵之

爾雅注天子葵之按傳葵揆也此所引當是傳文

福祿膍之

韓詩曰福祿_肥之厚也

次釋

優哉游哉亦是戾矣

玃按廣雅戾善也與吉祥祿慶字同訓此詩言宴錫福祿之事故于章末云亦是善者以申歎美無已之情也

左傳優哉游哉_{聊以卒歲}

正義曰詩與此不同者蓋師讀有異陳樹華曰文選秋興賦

注引家語孔子歌為注不引小雅

國語秦穆公燕公子重耳賦采菽子餘使公子降拜曰公以天子之命服命重耳重耳敢不降拜

左傳昭公十七年小邾穆公來朝公與之宴季平子賦

采菽公賦菁菁者莪

漢明帝賜東平王蒼詔曰瞻望永懷實勞我心誦及采

魚藻之什
菽以增歎息後漢紀

角弓八章

杜鄴曰人情恩深者其養謹愛至者其求詳夫戚而不見

殊豈能無怨此角弓之詩所爲作也漢書本傳

曹植曰恩澤衰薄不親九族則角弓之章刺魏志本傳

應瑒曰慰藉輕于綰縞譏望重于邱山角弓之詩所以爲

刺也報麗惠恭書藝文類聚

駢駢角弓

說文曰解解角弓解用角低仰便也龍道曰駢調色取其調和則當作解解與

駢同青又曰解角弓釋文引今本無此句

翻其反矣

路史扁其反矣

國名紀

爾之教矣民胥倣矣

崔浩曰居上者未能悛改為下者習以成俗詩云云人君

舉動不可不慎

北史本傳

白虎通欲民斯效

三教篇

潛夫論民斯效矣

左傳同

左傳韓宣子之適楚也楚人弗逆楚公子棄疾及晉竟

晉侯亦將弗逆叔向曰楚辟我衷若何效辟詩曰爾之

教矣民胥效矣從我而已焉用效人之辟

昭公六年

此令兄弟交相為喻

坊記子云睦於父母之黨可謂孝矣故君子因睦以合族
詩云云

民之無良相怨一方

韓詩曰良善也言王者所爲無有善者各相與于一方面

怨之

後漢書章帝本紀注 嚴可均曰唐避民字諸經
多改民爲人此韓詩以人爲王者則非改字也

劉向曰人而無良相怨一方民怨其上不遂亡者未之有

也

說苑建本篇 按此亦以
人爲王者是魯韓同義也

受爵不讓至于已斯亡

韓詩外傳曰言能知于人而不能自知也

嚴可均曰外傳
釋已爲自也

蘇轍曰民于受爵不讓之人皆知尤
之至于已則亡其非此所爲一方也

劉賓曰受祿不讓至于已斯亡不讓之人憂亡不暇而謂

其益國不亦難乎

晉書本傳

坊記子云觴酒豆肉讓而受惡民猶犯齒衽席之上讓而

坐下民猶犯貴朝廷之位讓而就賤民猶犯君詩云云

民之

無良四句

如食宜饌

韓詩曰如食儀饌儀我也

釋文 瓊按儀之爲我 應訓不及蓋從俄音也

毋教猱升木

毛詩草蟲經曰猱獼猴也楚人謂之沐猴老者獼猴其鳴

噉噉而悲

初學記

爾雪漉漉見睨曰消

韓詩曰漉見聿消

釋文按詩考引韓詩作漉見

荀子雨雪漉漉宴然聿消 楊倞注今詩作見睨宴然蓋

聲之誤言雨雪漉漉然見日氣而自消喻欲為善則惡自

消矣

非相篇段玉裁曰宴然廣雅作漉然煥也

漢書雨雪漉漉見睨聿消 顏注見無雲也聿辭也言雨

雪之盛漉漉然至于無雲日氣始出而雪皆消釋矣

劉向傳

蘇軾曰王族相怨苟有意綏之亦釋然解矣

說文曰漉晴無雲也睨日出也

引詩按此同韓義

陸德明曰漉漉雪盛貌

釋文

莫肯下遺式居婁驕

荀子莫肯下隧式居驕楊倞注隧讀為隨屢讀為其

婁歛也幽王莫肯下隨于人用此居處歛其驕慢之患也

非相篇經義雜記毛詩本于荀卿故鄭據之讀適為隨

王肅曰婁數也釋文

如蠻如髦我是用憂

韓詩外傳曰出則為鄉里患入則為宗族憂言語之暴與

蠻不殊肢體之序與禽獸同節詩云云小人之行也歐陽修曰

夷狄無禮義仁恩也唐士鏐曰辛有適伊川見被髮野祭者曰不及百年此其戎乎如蠻如髦詩人憂之而幽王卒死犬戎之難矣姜炳璋曰司馬氏骨肉相殘索靖指洛陽宮門銅駝曰會見汝在荆棘中亦詩人用憂之意也

左傳襄公八年范宣子來聘公享之季武子賦角弓

又昭公二年韓宣子來聘公享之季武子賦絲之卒章

韓子賦角弓季武子拜曰敢拜子之彌縫敝邑寡君有

望矣

杜注義取兄弟之國宜相親

苑柳

三章

白帖苑柳刺刑罰不平也

四十

有苑者柳

王逸曰苑盛貌

楚詞注引詩

無自暱焉

韓詩曰熈悅也

文選神女賦注暱當作媒也

王念孫曰廣雅暱病也言

王暴虐毋往朝以自取病與下章無自
療同廣雅訓曜為病義蓋本于三家也

上帝甚蹈無自療焉

國策曰上天甚神無自療也

高誘曰療病也言天理甚

明如是者必禍患

韓詩外傳曰以弊為聰以盲為明以是為非以吉為凶鳴

呼上天曷維其同詩曰上帝甚怙無自療焉

按爾雅詔
疑也釋文詔

本作怙左傳天命不怙註怙疑也聰明
是非吉凶悉皆顛亂是疑惑之甚也

一切經音義曰上帝甚陶陶變也

按箋蹈
讀曰悼

俾予靖之

釋文與予靖之

按毛作俾為使此作與為付
與即邠風王事適我之意也

于何其臻

潛夫論于何不臻按何不臻猶云何所不至也王引詩當為三家本又箋云不知其所届似箋

本原亦作不也

都人士五章

緇衣子曰長民者衣服不貳從容有常以齊其民則民德

壹詩云云首章六句 按詩序與此全同 董道曰緇衣公孫尼子作也詩序蓋雜出古之遺言

鄭康成曰此詩毛氏有之三家則亡禮記注 左傳襄公十四年引詩行歸于

周萬民所望服 虞注曰逸詩也孔穎達曰今韓詩實無此首章

蔡邕曰行賦曰甘衡門以寧仁兮詠都人以思歸苑文

詩義析中曰東遷之後思西周之人士也詩人蓋及見西都人物之盛化行俗美之由故言之切而思之篤也

狐裘黃黃

鄭康成曰黃衣則狐裘大蜡之服也詩人見而說焉

禮經衣注

釋文狐裘橫橫

徐本作

行歸于周萬民所望

杜預曰忠信為周言德行歸于忠信為萬民所瞻望

左傳襄公

十四年注

賈子新書狐裘黃黃萬民之望

等齊篇

左傳襄公十四年楚子囊還自伐吳遺言必城郢君子謂子囊忠將死不忘衛社稷可不謂忠乎詩曰行歸于周萬民所望忠也

我不見兮

釋文曰第二章作不見後三章作弗見一本四章同作不

見

謂之尹吉

王肅曰正而吉也

正義 箋吉讀為
姑尹氏姑氏也

垂帶而厲

孔穎達曰厲是整褰裂帛之餘

禮記疏 周西曰懷都人
士而屨及冠裳帶佩所謂

不復親漢
官威儀也

禮記注垂帶如厲

內則孔疏引
詩以厲為裂

淮南子垂帶若厲

卷髮如蝨

陸德明曰蕓蠶也通俗文云長尾爲蕓短尾爲蠟釋文

采綠四章

劉瑜曰天地之性陰陽正紀隔絕其道則水旱爲并詩云

云引篇內五日爲期六日不肖二句怨曠作歌仲尼所錄後漢書本傳

柳惲詩曰念君方遠游採綠傷遲暮藝文類聚六十七

終朝采綠

王逸曰終朝采葉葉王芻也楚詞注

不盈一掬

文選注不盈一掬

于髮曲局薄言歸沐

言外之意 魚目之混珠

羅大經曰國風豈無膏沐誰適爲容小雅予髮曲局薄言歸沐蓋古之婦人夫不在家則不爲容飾其防微遠嫌如

此鶴林玉露

終朝采藍

藝文類聚終朝採藍瓊按趙岐藍賦曰余就偃師道經陳畱此境人皆以種藍爲業藍田彌望

黍稷不植偃師陳畱固近東周之壤矣

五日爲期六日不詹

孔晁曰先序家人之情而以行役者六日不至爲過期之

喻非止六日也正義

王肅曰五日一御大夫以下之制正義

考文六日不瞻

按訓唐爲至義本釋詁此引作瞻文同魯頌瞻見之義蓋亦三家也

言報其弓

釋文言其弓

毛奇齡曰報發也給報裏也特則發其弓釣則給其經樂府云願郎箭帶折教郎到

頭遠蓋詛之也

薄言觀者

韓詩薄言觀者

文釋

班婕妤賦曰窈窕姝妙之年幽閑貞專之性符皎日之

心甘首疾之病歌采綠之章發東山之詠望明月而撫

心對秋風而掩鏡

文苑二

黍苗

五章

韋曜曰黍苗道邵伯述職勞來諸侯也

晉語注

杜預曰美召伯勞來諸侯如陰雨之長黍苗也

左傳襄二十七年注

芄芄黍苗

徐鍇曰汎汎然若風之起也

說文繫傳

漢碑梵梵黍苗

隸釋

我任我輦我車我牛我行既集蓋云歸哉

荀子曰仁人在上貴之如帝親之如父母為之出死斷亡

而愉者無他故也其所是焉誠美其所得焉誠大其所利

焉誠多詩云云此之謂也

富國篇

淮南子為商旅將任車高注任載也詩曰我任我輦

道應訓

烈烈征師

杜預左傳注

列列征師

按烈烈美武威武貌此引作列者當爲行列整齊之義

原隰既平泉流既清

劉向曰本不正者未必倚始不惑者終必衰詩云云故君

子貴建本而立始

說苑建本篇

國語秦伯宴公子重耳秦伯賦采菽子餘使公子賦黍苗子餘曰重耳之仰君也若黍苗之仰陰雨也若君實能庇廕膏澤之使能成嘉穀薦在宗廟君之力也

左傳襄公十九年季武子如晉晉侯享之賦黍苗武子再拜曰小國之仰大國也如百穀之仰膏雨焉若常膏

之其天下輯睦豈惟敝邑

又襄公二十七年鄭七子從鄭伯享趙孟于垂隴子西
賦黍苗之四章趙孟曰寡君在武何能焉

隰桑四章

孝經子曰君子之事君進思盡忠退思補過將順其美而

匡救其失故上下能相親也詩云云

引詩末章

其葉有難

御覽其葉有難

既見君子德音孔膠

韓詩外傳曰習之于人微而著深而固是暢于筋骨貞于

膠漆是以君子務爲學也詩云云

心乎愛矣遐不謂矣

孔安國曰遐不謂言謂之也君子心誠愛其上則遠乎豈

不以美事語之也

孝經孔氏傳引詩

鄭康成曰瑕不謂矣瑕之言胡也謂猶告也

禮記引詩注

李德裕曰此古之賢人所以篤于事君者也

舊唐書本傳引詩

中心藏之何日忘之

孔安國曰君子忠心實善則何能忘謂其上乎言每欲語

之也

孝經傳

坊記子曰事君欲諫不欲陳詩云云

陸德明曰中本亦作忠

孝經釋文

左傳襄公二十七年鄭伯享趙孟子產賦隰桑趙孟曰

武請受其卒章

杜注欲子產之見規諄

白華

八章

漢書注曰周人刺幽王黜申后也

班婕妤傳幽王三年納褒姒八年

立以為后

史記幽王三年褒姒生子伯服

鄒忠允

曰周廢幽后而殞于戎衛黜莊姜而嬖于狄詳錄諸篇以

著禍敗之原也

顏師古曰幽王惑於褒姒而黜申后故國人作此詩以刺

之

漢書谷水傳註

白華菅兮白茅束兮

王肅曰白茅束白華以興夫婦之道宜以端成繁白相申

東然後成室家也

正義 華希濤曰史記申后廢宜曰出奔申笙詩白華孝子之潔白也白華以

比宜曰白茅束今以此母子屬毛離裏維繫之情乃遺黜遠奔于申而使我獨也

毛詩題綱曰白華野菅草也其性柔韌堪用取此白華而

將白茅束之喻申后被褒姒所代惡人蒙美好人見棄也

御覽九百九十六

英英白雲

韓詩決決白雲

釋文 環按說文決灑也灑雲氣起也灑

雲密則成雨薄則成露決決則雲氣升起之狀也

李周翰曰決決雲貌

文選射雉賦 敷按善注引毛詩英與決通則賦所用決決字固韓詩耳

廣韻之什

白帖英英白露廣韻英英露彼菅茅白雲貌

天步艱難之子不猶

王肅曰天行艱難使下國化之以倡為不可也正義

侯苞曰天行艱難于我身不我可也韓詩翼要正義引

解同賦侯氏蓋依雅訓與鄭異矣

滌池北流

酈道元曰鄆水又自北流西北注與滌池合水出鄆池西

而北流入于鄆毛詩云滌流浪也而世傳以為水名矣鄭

康成曰豐鎬之間水北流也水經注渭水畢沅曰括地志池周十五步長安志出長

安西北二十里寰宇記滌水亦謂聖女泉又名高都水

說文灋范北流

嘯歌傷懷念彼碩人

孫毓曰廢黜失所故嘯歌傷懷念之而勞心正義

卽烘于燃

許慎曰烘寮也說文引詩

陸德明曰燃炷也郭璞云三隅竈說文云行竈也釋文

曰三隅竈如今之風爐缺其上口爲三角以受風大小隨所爲之舟車皆可攜帶故說文謂之行竈

鼓鐘于宮聲聞于外

韓詩外傳曰溫良在中則眉睫著之矣疵瑕在中則眉睫不能匿之也詩云鐘鼓于中聲聞于外

顏師古曰言苟有于中必形于外也

漢書東方朔傳引詩注

念子懔懔

許慎曰懔懔愁不安也

說文引詩釋文安作申

考文念子慘慘

視我邁邁

韓詩曰視我忸忸忸意不悅好也

釋文 瓊按廣雅忸怒也同韓義

說文曰忸忸恨怒也

引詩

有鷺在梁

北史魏正光二年獲禿鷺鳥于宮內崔光云此卽詩所

謂有鷺在梁解云禿鷺也貪惡之鳥野澤所育不應入

于殿庭

魏書本傳同

有扁斯石

鄭衆曰上車所登之石

周禮注引詩 惠士奇曰淮南子周公踐東宮履乘石注人君升車

有乘石一名踐石

縣蠻

三章

王符曰行人病而縣蠻

潛夫論班固篇 魏源曰王氏以此為行役之作意謂鳥有安

止而行人無休息之時故思得飲食教養之也

縣蠻黃鳥

薛君曰縣蠻文貌

文選景福殿賦注 周秉夷曰黃鳥即倉庚亦謂之鵲黃其色繁黑而黃以名

又詩家有金衣之稱薛以文貌釋縣蠻者得之

禮記續蠶黃鳥

飲之食之教之誨之

荀子曰不富無以養民情不教無以理民性故家五畝宅
百畝田勿奪其時所以富之也立大學設庠序修六禮明
十教所以道之也詩云云王事具矣

大暑篇

董仲舒曰先飲食而後教誨謂治人也

春秋繁露仁義篇引詩

甄琛曰古之王者世有其民或水火以濟其用或巢宇以
誨其居或教農以去其飢或訓衣以除其弊皆所以撫綏
導養爲之求利者也詩云云

魏書本傳

瓠葉
四章

杜預曰古人不以微薄廢禮也左傳注 錢大昕曰據後漢書詩乃饗射之樂

幡幡瓠葉

周南正義番番瓠葉

有免斯首炮之燔之

陸德明曰斯此也炮一作焦經文

後漢書注有免斯首劉見傳

左傳襄公三十一年趙孟叔孫豹入于鄭鄭伯兼享之

子皮戒趙孟禮終趙孟賦瓠葉穆叔曰趙孟欲一獻于

其從之及享具五獻之饔豆于幕下趙孟辭私于子產

曰武請于冢宰矣乃用一獻廣義曰漢書劉昆教授子弟每春秋享射以素木瓠

葉為組豆亦取
義于是詩也

漸漸之石 三章

徐文靖曰竹書幽王六年王命伯士師伐六濟之戎王師敗逋杜預春秋傳註濟陽東南有戎城以詩武人東征言之則與王命將往征蓋謂此耳

漸漸之石 維其勞矣

王肅曰言遠征戎狄戍役不息乃更漸漸之高石長遠之

山川維其勞苦也

御覽漸漸之石 說文繫傳漸野之石

正義維其逌矣 孔曰當作逌而作勞者以音相近假借用之

有豕白蹄

晉書有豕白蹄

改曰爾雅四蹄皆白錢蹄也五經文字作蹄

月離于畢俾滂沱矣

高誘曰月麗于畢雨師畢星也

淮南子原道訓注又風俗通同賈公彥曰春秋緯

云月離于箕風揚沙風師箕也詩云云雨師畢也

魏收曰月陰精也東北失道入箕則多風移而西南失道

入畢則多雨

魏書張淵傳觀象賦注

徐堅曰月離于畢比滂沱矣月離其陰則雨離其陽則不

雨

初學記論衡孔子出使子路齋雨具有頃天果大雨子路問其故孔子曰昨暮月離于畢後日月復離畢孔

子出子路請齋雨具孔子不聽出果無雨子路問其故孔子曰昔者月離其陰故雨昨暮月離其陽故不雨

孫愐曰滂沱大雨也

廣韻引詩劉牧中曰深入蠻夷之域為山川之所阻雨水之所淫戰敵

未捷病痾猶仍救其生命
之不暇何皇及于他事哉

家語孔子將行命從者皆持蓋已而果雨巫馬期曰敢

問何以知之孔子曰昨暮月宿于畢詩不云乎月離于

畢俾滂沱矣以此知之他日月宿畢竟不雨

史記弟子
列傳同

荅之華

三章

羅願曰荅雖居高附木之上然在驛而託于物所自恃者
微矣今周室之子請夏如此職者知其將不久也荅凌霄
蔓生喬木也

荅之華芸其黃矣

按郭璞游仙詩曰寒露拂陵若又曰陵若哀素秋皆寓
居高而危之感李注所謂怨天施之偏又歎浮生之促蓋
總括詩義矣

牂羊墳首

易林牂羊墳首君子不飽年飢孔荒士民危殆

中孚之訟

史記集解牂羊墳首 初學記牂羊黃首

三星在牖

釋文三星在牖

初學記同

瓊按雷中雷屋漏三星參也

瓊我饑饉哀可知矣 劉棟曰參為三星今諺語猶然參之與三古字通也

何草不黃

四章

易林何草不黃至末盡口室家分離悲愁于心

蒙之蒙 惠周惕曰

天地變化草木蕃天地閉賢人隱彼苗者葭繁二南之終美王道之成也何草不黃繫小雅之末知周室之衰也

何人不矜

韓詩何人不歸詩攷董氏云 顧炎武曰但有妻而于役在外者亦爲歸有夫而獨守在家者亦爲

寡陳琳詩邊城多健少內舍多寡婦也

匪兕匪虎率彼曠野

裴駟曰率循也言非兕虎而循曠野也

史記孔子世家引詩集解

家語孔子阨于陳蔡絕糧七日召子路而問曰詩云匪

兕匪虎率彼曠野吾道非耶奚爲至于此

魚藻之什十四篇六十二章

詩經廣詁 大雅

桐城徐璈輯錄

大雅

左傳吳公子札觀于周樂爲之歌大雅曰廣哉熙熙乎曲

而有直體其文王之德乎

襄公二十九年

樂記師乙曰廣大而靜疏達而信者宜歌大雅

班固曰大雅言王公大人而德逮黎庶小雅譏已之得失

其流及上所言雖殊其合德一也

漢書藝文志 嚴粲曰純乎雅之體者爲大近

平風之體者爲小

服虔曰大雅陳文王之德武王之功自文王以下至堯

是為正大雅

正義引左傳注

文王之什

第二十三

文王

七章

魯穆叔曰文王兩君相見之樂也

左傳襄公四年

呂氏春秋曰周公作詩以繩文王之德

引詩見後古樂篇

翼奉曰周公作詩浚戒成王

漢書本傳引詩殷之未喪師克配上帝

韋昭曰美文王有聖德天所輔祚其徵應符驗著見于天

乃天命非人也

晉書注

文王在上

其命維新

呂氏春秋曰周文王處岐諸侯去殷而翼周散宜生曰殷

可伐也文王弗許周公旦乃作詩云云御覽五百六十六

文王陟降在帝左右

墨子曰若鬼神無有則文王既死彼豈能在帝之左右哉

明鬼篇
引詩

登登文王

王逸曰登登進貌楚詞注

崔集注魏魏文王攷詩

令聞不已

墨子令問不已

陳錫哉周

國語芮良夫曰夫王人者將導利而布之上下者也大雅

曰陳錫載周是不布利而懼難乎故能載周以至于今

左傳羊舌職曰陳錫載周能施也 杜預注文王布陳大

利以賜天下故能載行周道福流子孫

宣公十五年昭公十五年並同

韋昭曰陳布也錫賜也言文王布賜施利以載成周道

國語

注 按載箋作載傳仍載
維也韋注周語並訓成

本支百世

王肅曰言文王之功德其大宗與支子百世相承

正義

杜預曰言文王本枝俱茂滋百世也

左傳莊公六年注

左傳本枝百世

白帖同

凡周之士不顯亦世

魏書劉芳曰惟周之士不顯奕世士以上世位士皆世祿

也禮志 顧炎武曰不顯不顯也 汪中曰漢武榮碑亦世載德華嶽廟碑亦世克昌李翁頌亦世賴福奕皆作

亦亦世即奕世也

思皇多士生此王國

王充曰此言文王得賢者多而不肖者少也論衡藝增篇引詩

王肅曰言天思周德至盛故爲生衆士于此周國正義

顏師古曰皇美也漢書注

王褒曰世必有聖智之君而後有賢明之臣故虎嘯而

風冽龍興而致雲蟋蟀俟秋吟蜉蝣出以陰詩曰思皇

多士生此王國故世平主聖俊父將自至文選講德論

濟濟多士文王以寧

賈誼曰言輔翼賢王則身必安也新書君道篇引詩

賈山曰天下未嘗亡士也文王獨言以寧者文王好仁則

仁興得士而敬之則士用漢書本傳引詩

李尋曰馬不伏歷不可以趨道士不素養不可以重國詩

云云漢書本傳

顏師古曰濟濟盛貌漢書注

左傳楚令尹子重曰君弱羣臣不如先大夫師衆而後

可詩云云夫文王猶用衆况吾儕乎成公二年

王褒曰聖主必待賢臣而宏功業俊士亦俟明主以顯其德是以聖主不偏窺望而視已明不單傾耳而聽已聰遊游自然之勢恬淡無爲之場休徵自至壽考無疆詩云濟濟多士文王以寧蓋信乎其以寧也文選二十五商之孫子其麗不億

趙岐曰麗億數也言殷帝之子孫其數不但億萬人孟子注

說文繫傳其麗不億徐鍇曰今詩借麗字

侯服于周

顏師古曰謂微子爲宋公漢書注

天命靡常

董仲舒曰言天之無常予無常奪也春秋繁露二十五

段灼曰天下者蓋亦天下之天下非一人之天下也詩云

侯服于周天命靡常由此言之王非常人也有德則天下

歸之無德則天下叛之晉書本傳

殷士膚敏裸將于京

趙岐曰殷之美士執裸暢之禮將事于京師若微子者膚

美敏達也孟子注

劉德曰將行也京周京也漢書劉向傳注

王肅曰殷士有美德其見時之疾早來服周助祭行灌鬯

之禮也正義

顏師古曰殷士殷之卿士

漢書注

劉向曰孔子讀詩至于殷士膚斂裸將于京喟然嘆曰大哉天命善不可傳于子孫是以富貴無常不如是則王公其何以戒懼民萌其何以勸勉蓋傷微子之事周而痛殷之亡也

漢書本傳錢大昕曰假傳箋訓固于義未安釋詁假大也此云大哉天命即詩假哉天命也

常服黼服

班固曰冓微子服殷之冠助祭于周也

白虎通引詩

後漢書輿服志曰弁廣八寸長尺二寸前小後大繒其上

有收持弁所謂夏收殷舁也

又注引蔡邕曰殷黑而微白前大後小以三十六升漆布

之爲

釋文昇字林作經

王之肅臣

孫愐曰肅敬也

廣韻引詩 瓊按孟子曰君臣主敬肅臣猶云敬事之臣文王敬止故臣咸一德矣

何楷曰肅舊說多訓忠按方言肅餘也義同 肅盡臣以目商孫子殷士乃勝國之餘燼也

無念爾祖聿修厥德

匡衡曰無念爾祖述修厥德孔子著之孝經之首章貴至

德之本也

漢書本傳

孔安國曰美文王之德也無念念也聿述也言當念其先

祖而述修其德也

孝經傳

劉良曰聿循修治也

文選晉紀論注

孝經亡念爾祖聿修其德

文選注言念爾祖五臣本引

永言配命自求多福

趙岐曰長我周家之命配爲善道皆內自求資故有多福

也

孟子注

杜預曰言求福由己非由人也

左傳桓公六年注

左傳鄭太子忽辭婚于齊曰人各有耦齊大非吾耦也

詩云自求多福在我而已大國何爲

桓公六年

唐李藩疏曰自古聖達皆不禱祀詩云自求多福禍福

之來感應行事若苟爲非道何福可求

唐書

殷之未喪師克配上帝宜鑒于殷駿命不易

翼奉曰臣聞三代之祖積德以王皆數百年而絕周至成王有上賢之材因文武之業以周召爲輔有司各敬其事在位莫非正人天下甫二世耳然周公猶戒成王以恐失

天下其詩則曰云云

漢書本傳

禮記儀監于殷峻命不易

漢書翼奉傳引詩鑒亦作監

無過爾躬

韓詩曰過病也

正義按過傳訓止韓訓病者謂負疚厥躬作法于涼非以永命也

釋文無謁爾躬

上天之載

鄭康成曰載讀曰載謂生物也

禮記注

漢書上天之經

楊雄傳文選註緯事也

儀刑文王萬邦作孚

服虔曰儀善刑法也言文王善用其法故能為萬國所信

左傳昭公

六年疏

禮記緇衣萬國作孚

左傳君子曰一人刑善百姓休和周之典也其詩云云

言刑善也

襄公十三年

晉書樂志漢末杜夔傳舊雅樂四曲一曰鹿鳴二曰騶

虞三曰伐檀四曰文王皆古聲詞

大明

八章

魯叔孫穆子曰大明兩君相見之樂也昭令德以合好也

語

詩汜歷樞曰午亥之際為革命亥大明也 又曰大明在

亥水始也孔廣森曰始際之義蓋生于律大明在亥者應鐘為均也四牡則太簇為均天保則夾鐘為均

嘉魚仲呂為均采芑蕤賓為均鴻臚夷則為均祈父南呂為均漢初古樂未湮者如此

韋曜曰周公昭先王之德于天下也魯語

明明在下赫赫在上

荀子曰君人者宜則直言至而讒言反矣君子邇而小人

遠矣詩云云此言上明而下化也解嚴篇

又曰上易知則下親上矣上難知則下畏上矣故主道莫

惡乎難知莫惡乎使下畏已詩曰明明在下先王明之豈

特元之耳哉

正論
篇

天難忱斯不易維王

董仲舒曰詩云天難忱斯不易惟王夫王者不可以不知

天知天詩人之所難也

春秋
繁露

貢禹曰天生聖人蓋為萬民非獨使自娛樂而已故詩曰

天難忱斯不易惟王

漢書
本傳

郭虔曰王命之所重載在篇典當令懸于日月固于金石

遺則百王施之萬世詩云不易維王可不慎歟

後漢
書

李賢曰謹信也斯語

詞後漢書張敞傳引
詩天難忱斯注

天位殷適使不挾四方

韓詩外傳曰紂之爲主寃酷之令加于百姓僭倭之惡施于大臣羣大不信百姓疾怒及周師至而令不行乎左右當是之時索爲匹夫不可得也詩云天謂殷適使不依四方按韓家之義言天語殷之正適使不依比于四方俠與梓材懷爲夾之夾同也

左傳昭公元年楚令尹圍享趙孟賦大明之首章趙孟謂叔向曰令尹自以爲王矣何如對曰王弱令尹強其可哉雖可不終

摯仲氏任

韓詩曰仲中也言位在中也

一切經音義引詩按周語摯時之國由太任唐系表仲

應後祖已七世孫
曰成徙國于豳

林寶曰風俗通豳古諸侯國毛詩周有豳荒

元和姓彙

曰嬪于京

爾雅註筆嬪于京

大任有身生此文王

列女傳曰大任端一誠莊惟德之行及其娠文王目不視
惡色耳不聽淫聲口不出敖言生文王而明聖卒爲周宗
君子以大任爲能胎教

詩含神霧曰大任夢長人感已生文王

御覽八十四

一切經音義大任有娠

小心翼翼昭事上帝

高誘曰言文王小心敬慎明于事上不敢攜貳

呂覽注

李賢曰翼翼敬慎也

後漢書傳殺傳注引詩

淮南子曰所以心欲小者慮患未生備禍未發戒過慎微不敢縱欲也高誘註詩云小心翼翼昭事上帝此之謂也

主術訓

呂氏春秋曰昔紂爲無道醢梅伯脯鬼侯以禮諸侯于廟文王流涕而咎之紂恐其畔欲殺文王文王曰父雖無道子敢不事父乎君雖不惠臣敢不事君乎孰王而可畔也紂乃赦之天下聞之以文王爲畏上而哀下也詩云云

施行

篇 敬按呂覽以上帝為殷王發有同莞柳甚蹈之稱矣

聿懷多福

董仲舒曰允懷多福多福者非謂人也事功也謂天之所

福也春秋繁露郊祭篇

李賢曰懷來也蔡邕傳引詩注

呂向曰聿遂懷來也言能恭敬遂來此多福文選晉紀繼論注 敬按

此解與李同蓋出韓家也

在洽之陽

許慎曰邵陽左馮翊邵陽縣說文引詩

鄆道元曰河水又逕邵陽城東周威烈王十七年魏文侯

築汾陰邵縣卽此城也故有莘邑爲太姒之國邵水南猶

有文母廟前有碑故應劭曰在邵水之陽也水經注

在渭之涘

初學記於渭之涘

大邦有子

班固曰王者之娶必先選于大國之女禮儀備所見多詩

云大邦有子明王者必娶大國也白虎通

倪天之妹

韓詩曰槃天之妹磐也正義釋文

許慎曰倪譬諭也說文引詩

親迎于渭

范甯曰太姒家在渭涘文王親迎于渭即天子親迎之明

文

穀梁傳注

造舟為梁

薛綜曰造舟以舟相比次為橋也

文選二京賦注

徐堅曰造至也謂從舟至舟相編為橋

初學記正義杜預曰河橋之謂也

釋文船舟為梁

引廣雅按方言船舟謂之浮梁郭注即今浮橋注引方言作造

于周于京

班固曰此改號為周易邑為京也

白通通引詩

綴女維莘

水經注續攷維華

辭覽同

殷商之旅

崔宏曰虞夏商周始皆諸侯及聖德既隆萬國宗戴稱號
隨本不復更立唯商人屢徙改號曰殷然猶並行不廢始
基之號故詩云殷商之旅此其義也

北史本傳

其會如林

說文曰其旂如林旂旆也一曰建大木置石其上發以機

以槌敵也

漢顧祖曰說文引詩之訓與春秋傳旂動而鼓
馬融廣成頌旂旆其如林皆與毛異義當是

三家詩也

上帝臨女無貳爾心

呂覽曰以言忠臣之行也

務本篇引詩

董仲舒曰人孰無善善不一不足以立身治孰無常常不一不足以立功詩云上帝臨女無貳汝心知天道者之言

也

春秋繁露

高誘曰言天臨命武王伐紂必克之不敢有疑心

呂氏春秋註

韋昭曰言天臨護女無有疑心女謂武王也

齊語注

杜預曰言武王爲天所臨不敢懷貳心

左傳襄公二十四年注

劉炫曰謂上天之意臨視女武王故在下臣民無懷貳于

女之心

左傳疏

干寶曰聖人德大而心小既居天位而戒懼不息詩云上

帝臨爾無貳爾心言周德當天人之心宜居王位周易

牧野洋洋

水經注曰清水東南歷姆野自朝歌以南南暨清水土

平衍據卑跨澤悉姆野矣竹書紀年云周武王率西夷諸

侯伐殷敗之于姆野詩所謂姆野洋洋者也清水篇

駟驪彭彭

高誘曰黃馬白腹曰驪淮南主術訓註引詩

五經異義四驪彭彭公羊傳疏

維師尚父

韓詩內傳曰師臣者帝友臣者王臣臣者霸白虎通義

時維鷹揚

賈公彥曰武王伐紂之時太公奮其威武如鷹之擊揚周官

疏

羅願曰鷹好揚卑好翔故以比太公之武
陸佃曰樂記所謂發揚蹈厲太公之志也

涼彼武王肆伐大商

韓詩曰亮彼武王亮相也

後漢書註 按漢書涼亦作亮爾雅左右亮也

應劭曰三王夏禹殷湯周武王也詩云亮彼武王襲伐大

商勝殷遏劉者定武功由是言之武王審矣說春秋詩者以爲文王文王率殷之叛國以服事殷時尚臣屬何緣便得列三王哉經美文王三分天下有其二王業始兆于此耳俗儒新生多其辨論大王王季皆見追號豈可復謂已

王乎風俗通

文選注諒彼武王
按諒信也謂信任于武王亦一義也

縣九章

魯穆叔曰縣兩君相見之樂也國語

杜預曰文王大明縣皆稱文王之德受命作周故諸侯會

同以相樂左傳襄公四年注

縣縣瓜瓞民之初生

薛章句曰瓞小瓜也文選潘岳詩注

許慎曰瓞瓞也說文引詩

詩含神霧曰集微揆著上統元皇下序四始羅列五際

宋均注集微揆著若縣縣瓜戔人之初生揆其如是必

將至著有天下也御覽六百

自土沮漆

齊詩自杜沮漆

漢書地理志

顏師古曰言公劉遷狄而來居

杜與沮漆之地

漢書注古字假借

王引之曰土當從齊詩讀為杜

入渭漆水在右扶風漆縣西北入渭沮當為沮沮往也言

公劉去郃適郃自杜水往至于漆水句與自西徂東自郊

徂宮自堂徂基同義

酈道元曰渭水東逕漆沮入洛孔氏云漆沮二水出馮翊

北周太王去邠踰漆度梁山止岐下故詩曰自土漆沮又

水經注洛水篇

藝文類聚自土漆沮

水經注同石經倒其次耳

古公亶父

呂覽曰太王亶父公組之子號曰古公避狄難也狄人獫

狁今之匈奴

審爲篇

趙岐曰古公亶甫太王名也號稱古公

孟子注

陶復陶穴

說文曰陶窞陶穴窞地室也

徐鍇曰謂于地旁巖下築爲室若陶窞也

釋文曰復累土于地上也

玉篇陶窞陶穴

來朝走馬

趙岐曰遠避狄去惡疾也

孟子注

顧野王曰來朝趣馬言早日疾也

玉篇程人昌曰古皆乘車今日走馬或已變

乘為騎 趣馬猶皇言夙駕之意而後世因以立趣馬之官也

姜及姜女聿來胥宇

列女傳曰太姜者太王之妃有台氏之女也賢而有色太

王有事必諮謀焉詩云云

藝文類聚十五

新序聿來相宇

雜事篇

周原膃膃

韓詩周原膃膃

文選注廣雅膃膃肥也

劉淵林曰膃膃美也

三都賦注

皇甫謐曰太王避狄徙于岐山之陽今山之西北岐城舊

址是也南有周原故始改號曰周帝王世紀 御覽百五十五 惠棟曰汲冢古

文武丁元年
幽遷于岐周

爰始爰謀爰契我龜

杜子春日契契龜之鑿周官注 引詩

鄭眾曰契楚焯所用灼龜周官注 引詩

杜預曰先人事後卜筮左傳襄公二年 引詩注

漢書注曰爰契我龜挈刻也言刻開之灼而卜之敘傳 注

左傳哀公二年齊人輸范氏粟趙鞅禦之卜戰龜焦樂

丁曰詩云云謀協以故兆詢可也

迺慰迺止 迺宜迺飲

干寶曰大王爲戎翟所逼而不忍百姓之命杖策而去之

其詩云

來朝走馬幸西水滸至于岐下

周民從而思之曰仁人不可失也

從之如歸市居之一年成邑二年成都三年五倍其初每

勞來而安集之其詩云

乃慰乃止乃左乃右乃疆乃理乃宣乃肅晉紀總論

王肅曰乃左右開地致邑以居其民

正義

乃召司空乃召司徒

唐石經迺召司空迺召司徒

其繩則直

釋文其乘則直

縮版以載

鄭康成曰板蓋二尺長六尺禮記注引詩

棟之陲陲

說文曰棟盛土于裡中也陲陲築牆聲也引詩今本作陲

又曰棟之仍仍按廣雅仍仍登登衆也皆釋此章詩義仍亦三家字也

度之薨薨

韓詩曰度填也釋文按度傳訓居是度讀爲宅也韓訓填者謂填土于版中而後施其杵築也

陸德明曰薨薨爾雅云衆也王肅云亟疾也釋文

阜門有仇

韓詩曰阜門有閼閼盛貌釋文玉篇引詩閼同

賈公彥曰諸侯三門阜應路周官疏引詩

應門將將

文選注應門將將

西都賦 按七發萃萃將將註將將高貌此將將為三家字从山亦高大之意

迺立冢土

顏師古曰冢大也土土神

漢書郊祀志注

傳咸曰祭法王為羣姓立社曰大社王自為立社曰王社

而書稱社于新邑詩稱乃立冢土無兩社之文蓋詩書所

稱各指一事皆在公旦制作之前也

晉書禮志

肆不殄厥愠亦不隕厥問

趙岐曰殄絕殞失也言文王不殄絕犬夷之愠怒亦不能

殞失文王之善聲聞也

孟子注 呂祖謙曰以皇矣作棫斯拔松柏斯兌言之是總述周家

王業積施屈伸之理始
于太王而終于文王耳

柞械拔矣行道兌矣

王肅曰柞械生柯葉拔然時混夷伐周正義

釋文行道脫矣呂大臨曰混夷所以為患者恃其濃林大

其所恃是以脫
奔而喙息也

混夷駢矣維其喙矣

說文曰昆夷駢矣駢馬行疾也 又曰天夷咽矣東夷謂

息為咽璩按此引詩亦三家之說釋詁云咽息也見於雅訓東夷郭註謂東齊也王玉樹曰說文已引駢

又引作咽或別出古木說文引經之倒各
出互見者甚眾不得謂彼是而此非也

張載曰昆夷突突唐突也文選義光
殿賦注

廣韻曰昆夷瘝矣瘝困極也

瘝按此蓋合二句引之瘝從廣為瘝病困極之意言混夷

侵則屬不得逞自取病因也 陳啓源曰瘝亦作瘝瘝瘝字通

左傳注吹夷瘝矣

按此與說文廣韻引詩皆合二句引之也

皇甫謐曰文王受命四年混夷伐周一日三至其東門文

王閉門修德而不與戰

正義

常哀曰惟昔盛明必有憂難在殷高宗有鬼方之征在周文祖有昆夷之患 文粹五十七

虞芮質厥成

尚書大傳曰虞人與芮人質其成于文王入文王之境則

見其人萌讓為士大夫入其國則見士大夫讓為公卿二

國相謂曰此其君亦讓以天下而不居也

說苑同

史記周本紀虞芮之人有獄不能決乃如周入其界耕者

皆讓畔民俗皆讓長虞芮之人未見西伯皆慙相謂曰吾

所爭周人所恥何往為祇取辱耳遂還俱讓而去之家語同

又曰詩人道西伯蓋受命之年稱王而斷虞芮之訟梁肅曰太

史公謂詩人道西伯以受命之年稱王而斷虞芮之訟遂

追王太王王季改正朔易服色十年而崩或謂大雅序文

王受命作周以實其說予以為反經非聖不可以訓蓋大

雅作周之義取其積德累仁為海內所歸往武王因之遂

成大業非所謂革命易姓

為作周也 文粹四十二

子曰有疏附子曰有先後子曰有奔奏

孔叢子曰周文胥附奔輳先後禦侮謂之四鄰以免乎服

里之害尚書大傳同

文選注于[事]有先後于[事]有奔走楚詞章句同

左傳昭公二年晉韓宣子來聘公享之季武子賦饒之

卒章

杜注義取文王有四臣以致興盛以晉侯比文王以韓子比四輔

械樸五章

董仲舒曰文王受命則郊郊乃伐崇

春秋繁露引詩

吳志曰周自后稷以來皆得祭天猶魯人郊祀也是以械

樸之作有積燎之薪

三國志注引志林

薪之樵之

鄭康成曰樵積也燔燎而升煙所以報陽也

周官大宗伯注引詩

陸德明曰樵木燒也本一作樵

釋文

濟濟辟王右右趣之

晏子春秋曰古者聖王明君之使以善也故外知事之情而內得心之誠是以不迷也詩云云

問下篇

賈誼曰君子重襲小人無出入正人十倍邪僻無由來古之人其謹于近乎詩云云言左右日趣以善也

新書客經

春秋繁露左右趣之

左右奉璋

沈括曰璋圭之半體也合之則成圭王左右之臣合體一

心趣于王者也

夢溪筆談

董仲舒曰左右奉璋此文王之郊也六師及之此文王之

伐崇也以是見文王之先郊而後伐也

春秋繁露四祭篇孔廣森曰此篇

禮即周官禋燎之祭先郊後伐者出師之類祭也

奉璋殺綏髦士攸宜

孫毓曰國事莫大于祀祀神莫大于天必擇俊士與其其

禮故舉祭天之事以明官人之義

異同評

徐彥曰言文王祭皇天上帝之時在助祭者奉此半圭之

璋其儀容盛莊矣盡是俊士之宜利

公羊傳疏引詩

釋文奉璋俄俄公羊釋文奉璋娥娥

淠彼涇舟

舊唐書

杜希全傳德宗君臣箴引嚴粲曰文王始居岐後居豐涇非耳目所及也

敬按唐書引渥作
輕或別有據歟

烝徒楫之

陸德明曰方言楫謂之橈郭注楫橈頭索也所以懸權釋

名在旁撥水曰權又謂之楫

釋文

春秋繁露烝徒楫之

周王于邁六師及之

班固曰師二千五百人六師一萬五千人

白虎通引詩

董仲舒曰文王受命而王天下先郊乃敢行事而興師伐

崇詩曰芄芃械櫜薪之標之此郊辭也曰周王于邁六師

及之此伐辭也

春秋繁露

為章于天

崔駰曰詩云追琢其章又云為章于天喻文王聖德有金

玉之質猶雲漢之在天也

論議 御覽 五百六十二

劉勰曰為章于天謂文明也其在文物赤白曰章

文心雕龍

追琢其章金玉其相

劉向曰言文質美也

說苑修文 篇引詩

趙岐曰雕琢治飾玉也詩雕琢其章

孟子註 追荀子說苑均作雕

王肅曰以興文王聖德其文如雕琢矣其質如金玉矣

正義

周禮註追琢其璋

賈疏璋玉為之追琢皆治玉石之名

戴震曰士冠禮毋追鄭注追猶堆也枚乘七發踰岸出追李注追亦堆字 戴侗曰追文之尖出者琢文之刻入者

徐幹曰珠之含礫瑾之挾瑕斯其性與良工爲之以純其性若夫素然故觀二物之既純而知仁德之可粹也

詩云云

中論

勉勉我王綱紀四方

荀子齊齊我王綱紀四方楊倞注齊齊勸勉之貌勉力

爲善所以綱紀四方也

王制篇又韓詩外傳同

早麓

六章

瞻彼早麓 干祿豈弟

國語單穆公曰詩云瞻彼早麓鹿標桔枿濟濟愷悌君子干祿

愷悌旱鹿之榛楸殖故君子得以易樂于祿焉若夫山林
匱竭林鹿散亡藪澤肆既民力彫盡田疇荒蕪資用乏匱
君子將險哀之不暇而何樂易之有焉

應劭曰麓林屬于山者也

風俗通山澤篇引詩

韋昭曰山足曰麓君子謂君長也

國語注

陸德明曰榛木叢也

文釋

嚴可均曰續漢郡國志南鄭注引華陽國志曰有池水從
旱山來水經沔水注南鄭縣漢水右合池水出旱山之下
有祠池水卽沔水孔疏不
言旱山所在可補其闕

懸彼玉璫

鄭司農曰鄭彼玉璫于圭頭爲器可以挹也灌祭謂之璫

周官

說文曰璫彼玉璫璫玉英華相帶如瑟弦也

白帖瑟彼圭璋瑟潔白貌

七

爾雅釋文郊彼玉璫

薦飛戾天魚躍于淵

薛君曰魚喜樂則踴躍于泉中

文選講德論注

王符曰君子修其樂易之德上及飛鳥下及淵魚無不歡

欣悅豫

潛夫論德化篇引詩折中曰太和之氣充滿宇宙各性其性而不自知也

鄭康成曰聖人之德至于天則薦飛至于地則魚躍是其

明著于天地也

中庸注

潛夫論鸞飛屬天

姚炳曰鸞乘風直上摩天回翔抱朴子云鸞之在下無力及至乎上聳身直刻

而已此爾雅所謂鸞鳥醜其飛也翔也

是不作人

杜預曰遐遠也作用也不語助詞言文王能遠用善人

左傳

成公入

年注

潛夫論胡不作人

按遐箋訓遠鄭禮記註遐之言胡也與此同

清酒既載

薛君章句曰載設也

文選西征賦注

駢牡既備

班固曰言文王之牲用駢周尚赤也

白虎通義引詩

民所燎矣

陸德明曰燎一作祭說文祭天也又云放火也釋文

神所勞矣

杜預曰君子爲神所勞來

左傳僖公十二年注

左傳齊侯使管夷吾平戎于王以上卿之禮饗管仲管

仲受下卿之禮而還君子曰管氏之世祀也宜哉讓不

忘其上詩曰愷悌君子神所勞矣

僖公十二年

莫莫葛藟

說文曰藟草也一日秬鬯也

詩引

晏子莫莫葛藟後漢書莫莫葛藟

施于條枚

高誘曰延蔓于條枚之上得其性

呂氏春秋注

許慎曰枚幹也可為杖

說文引詩

賈公彥曰在旁而及曰施

儀禮疏引詩

呂氏春秋延于條枚

韓詩外傳新序後漢黃琬傳注並作延于條枚

豈弟君子求福不回

淮南子曰言以信義為準繩也

秦族訓引詩

高誘曰君子求福不以邪道順于天性以正直受大福

淮南

子注 李光地曰君子以豈弟之德求之則正而無邪矣易曰受茲介福以中正也

韋臞曰回邪也求福以禮不以邪也

周語注

李賢曰同遠也

後漢書蘇竟傳注

胡長庚曰同非卽耶

同訓爲逆謂違其初志也胡氏之義足相發矣

表記子曰下之事上也有庇民之大德不敢有君民之心
仁之厚也是故君子恭儉以求役仁信讓以求役禮不自
尚其事不自尊其身儉于位而寡于欲讓于賢卑己而尊
人小心而畏義求以事君得之自是不得自是以聽天命
詩云莫莫葛藟施于條枚凱弟君子求福不回其舜禹文
王周公之謂歟有庇民之大德有君民之小心

晏子春秋崔杼弑莊公叔晏子盟晏子曰叔吾以刃而
失其志非勇也回吾以利而倍其君非義也詩云云今

嬰且可以回而求福乎

內篇

說苑韓子濟于河津舟人告用事于河伯韓子不聽
曰吾不爲人之惡我而改吾志不爲我將死而改吾義
詩云云鬼神且不同況于人乎

修文篇 按此引詩以
不同屬之鬼神亦一義

詩經廣詁 大雅

桐城徐璈輯錄

文王之什

第二十三下

思齊

四章

大姒嗣徽音則百斯男

劉向曰太姒號曰文母思媚太姜且夕勤勞以盡婦道文

王理外太姒理內生十子也

列女傳

趙岐曰文王之有美過實聖人不改錄其意也詩亦有言

崧高極天則百斯男亦已過矣

孟子注

惠于宗公神罔時怨神罔時恫

國語晉胥臣曰文王于是乎用四方之賢良其卽位也詢于八虞而諮于二虢度于閼天而謀于南宮諏于蔡原而訪于莘尹重之以周召畢榮億寧百神而柔和萬民故詩曰惠于宗公神罔時恫

說文曰神罔時恫恫大也

韋曜曰宗公大臣也言文王爲政諮于大臣順而行之

註 說王仲毛義也

王肅曰文王之德能上順祖宗安寧百神無失其道無所

怨痛

文釋

刑于寡妻

韓詩曰刑正也

釋文爾雅刑法也義疏韓訓正者正亦法也法所以正人也

韋昭曰寡妻寡德之妻謂太姒

晉語引詩注

趙岐曰刑法也寡少也言文王正己嫡妻則八妾從

孟子注

至于兄弟以御于家邦

鍾離意曰明正之本由近及遠

後漢書本傳引詩

陳羣曰道自近始而化洽于天下

魏志本傳引詩

趙岐曰御享也享天下國家之福

孟子註按趙氏訓兄弟謂后夫人之嬖嬖

王肅曰以迎治天下之國家

正義

離離在宮

賈思伯曰豳豳在宮辟雍宮也所以助王養老則尚和助

祭則尚敬

魏書本傳

烈假不瑕

集韻厲假不瑕

詩經小學曰雙云厲假皆病也正義鄭讀為病瑕也唐公房碑病豳不遐與鄭讀合

不聞亦式不諫亦入

王肅曰不聞道而自合于法無諫者而自入于道唯聖德

乃然

正義

肆成人有德小子有造

劉向曰大學之教也

說苑引詩

王肅曰文王性與道合故周之成人皆有成德小子未成

皆有所造為進于善也

正義

古之人無斁

韓詩古之人無擇

詩考董氏云按箋口無擇言身無擇行正義不言字誤則此經本有作擇者

皇矣

八章

杜預曰美文王也

左傳昭公二十八年注

杜牧曰大雅皇矣周公美周之詩

文粹八十

臨下有赫

潛夫論臨下以赫

求民之莫

漢書求民之瘼

文選齊安陸王礪註漢書引詩為瘼郝云班所引必三家詩也

維此二國其政不獲

杜預曰言夏商之君政不得人心

左傳文公四年注

唐石經其正不獲

按鄭箋亦作正

維彼四國爰究爰度

王肅曰彼四方之國乃往從之謀往從之居

正義

杜預曰言四方之諸侯皆懼而謀度其政事爰於也究度

皆謀也

左傳注

左傳文公四年楚人滅江秦伯爲之降服出次不舉曰

同盟滅雖不能救敢不矜乎吾自懼也君子曰詩云惟

彼二國其政不獲惟此四國爰究爰度其秦穆之謂矣

上帝耆之憎其式廓

王符曰言夏殷二國之政奢夸廓大上帝憎之更求聖人

與天下

潛夫論班
祿篇引詩

王肅曰惡桀紂之不德也

正義

羣經音辨憎其式郭

集傳憎
當作增

乃眷西顧此維與宅

匡衡曰此維予宅言天以文王之都爲居也

漢志郊祀志
稽古編衡

治齊詩以首二章爲美文王與
箋義同後儒以爲太王者非也

谷永曰上天震怒災異甚降終不改寤惡治變備不復譴

告更命有德詩云云夫去惡奪弱遷命賢聖天地之常經

百王之所同也 漢書本傳

淮南子曰存在得道而不在于大也亡在失道而不在于

小也詩云云言去殷而遷于周也 記論訓

高誘曰紂治朝歌在東文王國于岐周在西天乃眷然顧

西土此唯居周言我宅也 淮南子注

王充曰舜之授禹禹之傳啓皆以人心效天之意詩之眷

顧洪範之震怒皆以人身效天之意 論衡謚告篇

初學記乃睠西顧 吳英曰西謂太王居邠也周自后稷封邠公劉遷邠皆為西土

論衡此惟予度 潛夫論同 玆度臣瓚注古文宅度同

其苗其裔

韓詩曰其茁其殯殯反草也殯囚也因高填下也
釋文

郭璞曰翳樹蔭翳覆地者爾雅注

爾雅注其柶其翳爾雅立凡出釋文云字林作柶又作菑

啓之辟之

薛君章句曰辟除也文選上林賦注一切經音義

申夷載路

釋文患夷載路惠棟曰申古文貫字明堂位貫鼎鄭注貫國名貫與昆通貫夷即混夷伐崇時混夷

已平故云載路

天立厥配

爾雅某氏注天立厥配正義按箋云賢配是鄭亦作配也

帝省其山柞械斯拔

集韻曰拔木生柯葉貌

引詩

文中子遼東之役天下治船子曰林麓盡矣帝省其山

其將何辭以對

立命篇

帝作邦作對

李奇曰對配也能與天地相配也

漢書楊雄傳注引詩

自大伯王季

韓詩外傳曰太伯獨見王季獨知伯見父志季知父心故
大王大伯王季可謂見始知終而能承志矣詩云自大伯
王季至奄有四方此之謂也

王肅曰太伯適吳沒而不返國讓王季周道大興本大伯

讓與王季也

正義

維此王季

左傳惟此文

王肅注韓詩亦作維此文王

帝度其心貊其德音

左傳成鯀曰帝度其心莫其德音心能制義曰度德正應

和曰莫

昭公二十八年中論同

韓詩曰莫其德音莫定也

釋文史記樂書引詩作莫同

服虔曰在己為德施行為音

左傳注

又曰貊然而定無譴

譴也

詩正義

克明克類克長克君

左傳成鯀曰照臨四方曰明勤施無私曰類教誨不倦曰

長賞慶刑威曰君

中論禮記疏同

杜預曰施而無私物得其所無失類也

克順克比比于文王

左傳成鯀曰慈和徧服曰順擇善而從曰比經緯天地曰

文

中論禮記疏同 攷按成鯀所釋九德之美傳箋皆遵述其詞

徐幹曰此爲九德之美

中論

劉炫曰比于文王可以比于上代文德之王也

史記正義

樂記克順克俾俾于文王

史記樂書同

其德靡悔既受帝祉施于孫子

左傳成鯀曰九德不愆作事不悔故襲天祿子孫賴之

無然畔援

韓詩曰畔援武強也

釋文

漢書無然畔援

孟康注畔反也換易也

顏師古注畔

換強恣之貌

玉篇曰無然伴換伴換猶拔扈也

璩按畔換歆羨洪範所謂剛克柔克也文王無

然德之所
以純矣

無然歆羨

韓詩無然歆羨

薛章句曰羨願也

文選天台
山賦注

密人不恭敢距大邦

呂氏春秋曰密須之民自縛其主而與文王用民篇 高誘注密人不

共敢距大邦此之謂也

應劭曰密須氏姑姓之國漢書地理志注引詩

臣瓚曰密姬姓之國密須今安定陰密漢書注引詩

王肅曰密須氏不其其職敢與兵逆大國侵周地正義

羅泌曰密人不恭事見周書蓋與紂有謀周之意路史國名記

侵阮徂其

張融曰魯詩義阮徂其皆國名正義

荀子曰文王誅四國 楊倞注密也阮也其也崇也仲尼篇引

詩竹書紀年帝辛三十二年密人侵阮
西伯帥師伐密三十三年密人降于周師

孫毓曰書傳文王七年五伐有伐密須犬夷黎邦崇未聞

有阮徂其三國文王伐之之事

正義

王赫斯怒爰整其旅以按徂旅

董仲舒曰當是時紂爲無道諸侯大亂民樂文王之怒而
詠歌之也

春秋繁露引詩

趙岐曰言文王赫然斯怒于是整其師旅以遏止往伐莒

者

孟子注

孟子正義詩曰以按徂旅孟子乃曰以遏徂

者莒春秋魯隱二年書莒子盟于密則莒者密之近地又

困學紀聞引韓非曰文王克莒是莒爲國邑也
王肅曰密人之來侵也侵阮遂徂侵其遂往侵旅故王怒

整其師以止徂旅之寇上曰徂其此曰徂旅又為周王之

所禦其密人亦可知也省煩之義詩人之微意也正義

江熙曰王赫斯怒貴在爰整子所慎三戰居其一穀梁傳

注年

集韻曰王赫斯怒斯或作錫盡也敷按文選西征賦若備

也是賜傷
斯通也

以篤周祜

唐石經以篤于周祜注疏
本同

無矢我陵我陵我阿

薛章句曰四平曰陵文選羽
獵賦注 又曰曲景曰阿文選西
都賦注

吳英曰竹書西伯伐密密人降周遂遷于程密阮共莒皆周之鄰國密人侵阮又侵共與莒文王接止密人進兵至密密國之境而密密降于是密密之地陵阿泉池皆若周所固有故曰我也

韓詩無失我陵

文選西都長楊賦注

度其鮮原

逸周書和寤解王乃出圖商至于鮮原竹書紀年周師次于鮮原惠棟曰鮮原乃商周相接之境蘇軾曰相其高原而徙都焉所謂程邑者歟

居岐之陽

酈道元曰淮南子岐水出石橋山漢書音義岐水名南與杜水合逕岐山又屈逕周城南城在岐山之陽而近西所謂居岐之陽者非直因山致名亦指水取稱水北卽岐山

矣

水經注渭水篇

璇按岐陽說詩家以山言鄭氏更兼水言之水北亦為陽也太王所遷之周原在岐山西文

王後遷之豐在岐山東南三百里此之岐陽渭將關驪以為程邑矣

不大聲以色

墨子母大聲以色

不長夏以革

王肅曰言幼而有天性長幼一行也

正義

墨子母長夏以革

璇按墨子引詩書之文多與己意講釋之往往與經字不同如此二句篇中前

引作不字後又引作母字也

不識不知順帝之則

左傳公孫枝曰唯則定國詩云云文王之謂也

僖公九年

墨子曰帝善其順法也故舉殷以賞之使貴為天子富有

天下名譽至今不息

矢志篇引帝謂以下六句

賈誼曰弗識弗知順帝之則言民悅其德義則而象之也

新書

董仲舒曰言弗能知識而效天之所為云耳

春秋繁露五十二

杜預曰言文王開行自然合天之法

左傳僖公九年引詩注

淮南子曰聖人不以行求名不以智見譽法修自然已無

所與慮不勝數行不勝德事不勝道為者有不成求者有

不得人有窮而道無不通與道爭則凶故詩曰弗識弗知

順帝之則

銓言訓

又曰性命可說不待學問而合于道者堯舜文王也高誘注聖人不學而知之者堯舜文王詩云不識不知順帝之

則是也

修務訓篇

與爾臨衝以伐崇墉

說文曰與爾臨衝輶輶陷陣車也

李賢曰衝撞車也

後漢書光武紀引詩注

杜牧曰此文王伐崇墉傳于其城以臨車衝鈎接其城文

王親自爲之周公詩之

文解八十

韓詩與爾隆衝

釋文

本作隆 惠棟曰隆車巢車之類高車也韓

爲臨下之名失之

城按淮南子隆衝以攻高注隆高車也衝所以臨敵城衝突襲之隆衝連文不作隆也

伏湛曰臣聞文王受命而征伐五國必先之同姓然後謀
于羣臣加占蓍龜以定行事故謀則成卜則吉戰則勝其
詩曰帝謂文王詢爾仇方同爾兄弟以爾鈞援與爾臨衝
以伐崇墉崇國城守先退後伐所以重人命俟時而動後漢書本傳 數按伏氏世傳齊詩蓋齊家之說解兄弟
句與箋異加占蓍龜未知所指豈鈞援句之別點歟

臨衝閑閑 臨衝弗弗

王念孫曰弗弗或作勃勃廣雅閑閑勃勃盛也與毛傳異義蓋本于三家也

攸馘安安

陸德明曰馘一作馘字林云截耳則作耳傍獻首則作首

傍

釋文

是類是禡

高誘曰祭社曰類以事類祭之也

淮南子註引詩

應劭曰禮將征伐告天而祭謂之類告以事類也至所征伐之地表而祭之謂之禡禡者馬也馬者兵之首故祭其

先神也

漢書敘傳引詩注

說文是禡是禡

爾雅是禡是禡師祭也

是致是附

說苑文王伐崇令母殺人毋壞室毋填井毋伐樹木毋動

六畜崇人開之因請降

何楷曰此詩所謂是致是附也

崇墉仡仡

韓詩曰仡仡搖也

釋文按仡仡猶岌岌高危之狀勢若動搖也

說文曰崇墉屹屹屹屹牆高貌也

張載曰崇墉屹屹屹猶墜也高大貌

文選靈光殿賦注又後漢書張儉傳亦作

崇墉屹屹

四方以無拂

王肅曰拂違也

正義

左傳宋司馬子魚曰文王聞崇德亂而伐之軍三旬而不

降退修教而復伐之因壘而降

錢澄之曰卽此章之事

靈臺

五章

詩汜歷樞曰靈臺候天意也經營靈臺天下附也

御覽五百

劉向曰積恩爲愛積愛爲仁積仁爲靈靈臺之所以爲靈者積仁也神靈者天地之本萬物之宜也

說苑

經始靈臺經之營之

六韜曰文王既出羑里召周公旦作靈臺

御覽五百三十四

禮統曰夏爲清臺殷爲神臺周爲靈臺所以制靈臺何以尊天重民備災禦害豫防未然也

御覽五百三十四

禮合文嘉曰靈臺以考天人之際陰陽之合也揆星度之

驗微氣朔之瑞應原神明之變化爲百姓獲福于天

太平御覽

五經通義曰王者所立靈臺在國之南附近辟雍依仁宮

也靈臺制度積土崇增其高九仞上平無屋高九仞者極

陽之數平無屋者望氣顯著

太平御覽

五經異義曰天子有三臺靈臺以觀天文時臺以觀四時
施化圉臺以觀鳥獸魚鼈諸侯卑不得觀天文無臺但有

時臺圉臺也

初學記二十四

又曰靈臺以望氣明堂以布政辟雍以養老教學二者不

同

隋書四十九

左傳僖公十五年秦伯獲晉侯以歸舍諸靈臺 杜預注

在京兆鄠縣周之故臺也

三輔黃圖靈臺在長安西北四十里

庶民攻之不日成之

孔叢子曰文王之興六州之衆各以子道來故區區之臺

未及期而成之

徐鍇曰不日猶言不及浹日也

趙岐曰言文王經營規度此臺衆民並來治作不與之相期限而自來成之也

韋昭曰不日不程課以時日也

楚詞注

薛綜曰不日言不用一日卽成之

文選東京賦注

楚語伍舉曰先王之爲臺榭也榭不過講軍實臺不過望氛祲故榭度于大卒之居臺度乎臨觀之高其所不奪穡地其爲不匱財用其事不煩官業其日不廢時務瘠磽之地于是乎爲之城守之木于是乎用之官寮之暇于是乎

臨之四時之隙于是乎成之故周詩曰經始靈臺至麇鹿攸伏

賈誼曰文王志之所在意之所欲百姓不愛其所不憚其勞從之如集詩云云經始靈臺至庶民子來文王有意為臺令近境

之民聞之者裹糧而至問業而作之日日以衆故弗趨而疾弗期而成命其臺曰靈臺命其囿曰靈囿命其沼曰靈沼愛敬之至也新書七

王在靈囿麇鹿攸伏

魯詩傳天子囿百里諸侯三十里穀梁傳注

高誘曰畜禽獸所大曰苑小曰囿呂覽註引詩

趙岐曰麇鹿特鹿也言文王在此囿中麇鹿懷任安其所

伏而不驚動也

孟子注

韋昭曰視牝鹿所伏息愛特任之類

楚語注

范甯曰何休徐邈皆謂天子囿方百里公侯十里伯方七

里子男五里與魯詩傳說別

穀梁傳成公七年注

三輔黃圖靈囿在長安西四十二里

麇鹿濯濯白鳥鵲鵲

許慎曰鵲鵲鳥白肥澤貌

說文引詩

趙岐曰獸肥滿則濯濯鳥肥飽則鵲鵲而澤好

孟子注

文穎曰濯濯肥也

漢書注

司馬貞曰濯濯嬉遊也

史記司馬相如傳注

賈子新書白鳥鵲

鵲又何晏景福殿賦鵲鵲白鳥

王在靈沼於物魚躍

賈誼曰聖王所在魚鼈禽獸猶得其所况于人民乎

新書

薛君章句曰文王聖德上及飛鳥下及魚鼈

文選顏延之詩注

三輔黃圖靈沼在長安西三十里

新序曰周文王作靈臺及池沼掘得死人骨吏以問于

文王文王曰更葬之天下聞之皆曰文王賢矣澤及枯

骨而况于人乎

御覽五百三十四

虞業維樅

說文曰巨業維樅業大版捷業如鋸齒以白畫之象其鉏
鋸相承也

陸德明曰樅徐邈音衡衡牙也

釋文

樂苑文王樂名巨業

詩攷

賁鼓維鏞

釋文賁鼓

於論鼓鐘

徐錯曰論者倫也言于是人心有倫理乎此辟離也

說文繫傳

於樂辟離

韓詩說辟圓如璧雍以水不言圓言辟者取辟有德也不

言辟水言辟雍雍和也

大戴禮注引

又曰辟雍者天子之學

所以教天下春秋饗射尊事三老五更在南方七里之內

立明堂于中

正義引韓

莊子文王有辟雍之樂

外篇

白虎通義曰辟之爲言積也積天下之道德雍之爲言壅

也壅天下之儀則

辟雍篇引詩

五經通義曰詩於樂辟雍辟雍養老教學之所也以形制

言之雍雍也辟璧也雍水環之圓如璧形以義理言之辟

明也雍和也言以禮和明天下

舊唐書歸崇敬傳

又曰天子立辟雍者所以行禮樂宣德化教導天下之人

使爲士君子養三老事五更與諸侯行禮之處也藝文類聚三十
入

鼙鼓逢逢

高誘曰鼙皮可作鼓淮南子注

陸德明曰逢逢埤蒼云鼓聲也

淮南子注鼙鼓洋洋時則訓衆經音義鼙鼓鼙鼙目覽注同

御覽鼙鼓彭彭五百八十

矇矇奏公

韓詩矇矇奏功薛君章句曰無珠子曰矇珠子具而無

見曰矇文選訓連珠註

高誘曰目不見曰矇詩云矇眚呂氏春秋

楚辭章句矇眚秦工

下武六章

下武維周

胡文英曰箋後人能繼先祖者維有周家最大是三家本作大武也

成王之孚下土之式

緇衣子曰禹立三年百姓以仁遂焉豈必盡仁大雅云云
韓詩外傳曰君子修身及孝則民不倍矣敬孝達乎下則
民知慈愛矣好惡喻于百姓則下應其上如影響矣詩云

云

永言孝思孝思維則

趙岐曰長言孝道欲以為天下法則孟子注

媚茲一人應侯順德

淮南子曰人以其所願于上以交其下誰弗戴以其所欲

于下以事其上誰弗喜詩云媚茲一人應侯慎德慎德大

矣一人小矣能善小斯能善大矣穆稱篇 賦按淮南引詩一人猶云匹夫匹婦

故曰小也媚茲一人猶卷何云媚于庶人也

盧辯曰媚茲一人謂御于天下而蒙寵愛應侯順德謂逢

國君能成其德大戴記注

水經注曰泚水又東逕應城南又東南逕應山北故應鄉

也應侯之國詩所謂應侯順德者也漢水篇或疑此詩有成王字

疑爲康王以復之詩今攷詩文明言世德作求罔非專味武王矣成王者武王之宗嫡應侯者武王之支別兩言孝

思見本與枝王與侯皆克肖武王也繩武句謂康王能繼其祖武王之德益以見世德之遠耳武之穆有邢晉韓舉

應侯以統之嗣服嗣之于侯句六服也應氏之義當亦三家之舊詁矣

羅泌曰應韓詩云侯爵盟會圖汝之魯山有應城路史國名紀

昭茲來許繩其祖武

後漢祭祀志注昭茲來御慎其祖父讀詩記何楷曰以

于康世不在成時明矣

漢碑昭哉來許詩

受天之祜

說文繫傳受天之

祺徐鍇曰祺之言期也天將與之福先見其兆爲之期也

文王有聲

八章

邇求厥寧

說文曰吹求厥寧吹詮詞也

戴震曰吹詞者承上文所發端詮而釋之也吹蓋本字省

作曰聿與通皆假借字也

文王烝哉

韓詩曰烝美也

釋文烝按爾雅烝君也韓訓美者訓爲君之美也廣雅烝美也蓋本韓義

文王受命有此武功

董仲舒曰天子每將興師必先郊祭以告天乃敢征伐詩

云云

受命四句

以此見文王受命則郊郊乃伐崇也

春秋繁露

班固曰詩云文王受命非聖不能受命

白虎通

既伐于崇

張守節曰崇夏鯀封處夏商皆有之崇國蓋在豐鎬之間

史記正義

引詩

尚書大傳既伐于崇

竹書紀年帝辛三十四年周師取耆及邢遂伐崇崇人降

作邑于豐

李業興曰昔太王王季居于岐陽躬行召南之教以興王

業及文王行周南之教以受命作邑于豐

北史本傳韓非子女王侵孟

克莒舉鄆三舉而紂惡之
鄆忠應曰鄆卽崇國之地

江表傳吳羣臣議曰文王郊于鄆見漢書匡衡奏吳志注

築城伊減

韓詩曰築城伊洳洳深池也
釋文玉裁曰韓正字毛作減爲洳之假借

匪棘其欲適追來孝

禮器匪革其猶聿追來孝
鄭注革急也猶道也聿述也

言文王之改作者非必欲行己之道乃追述先祖之業來

居此爲孝
王應麟曰此韓詩也

釋文匪亟其愆
盧文弨曰猶古通欲周禮小行人猶犯令者大戴禮猶作欲

王公伊濯

韓詩曰濯美也

釋文 按釋詁濯大也韓訓美者則濯爲美之大也

自西自東自南自北無思不服

劉向日聖王修禮文設庠序陳鐘鼓天子辟雍諸侯泮宮所以行德化詩云鎬京辟雍無思不服此之謂也

說苑修文篇

孔安國曰美武王孝德之至而四方皆來服從

孝經傳

孝經子曰昔者明王事父孝故事天明事母孝故事地

察孝弟之至通于神明光于四海無所不通詩云云

荀子曰志意定乎內禮節修乎朝法則度量正乎官忠信愛利形乎下故近者歌謠而樂之遠者竭蹶而趨之四海之內若一家通達之屬莫不服從此之謂人師詩

云云

僞效篇
新序同

考卜維王宅是鎬京

坊記考卜惟王度是鎬京

鄭注度謀也鎬京鎬宮也言

武王卜而謀居此鎬邑龜則吉兆正之武王築成之

水經渭水東與鎬水合酈注水上承鎬水于昆明池北周

武王之所都也故詩云云

渭水篇

豐水有芑

禮記注曰芑枸櫞也

按此釋芑爲杞與傳
義異蓋韓魯說也

武王豈不仕詒厥孫謀以燕翼子

晏子曰明君必務正其治以事和民然後子孫享之詩云

武王豈不事貽厥孫謀以宴翼子

諫下篇

班彪曰昔成王之爲孺子出則周公召公太史佚入則泰

顛闕天南宮括散宜生左右前後禮無過者故成王一日

卽位天下嚮然太平詩云云言武王之謀貽子孫也

後漢本傳

顏師古曰言文王貽其孫以善謀武王以安敬之道遺其

子子謂成王

後漢書班彪傳注

表記子曰中心憫恤愛人之仁也率法而強之資仁者也

大雅曰貽厥孫謀以燕翼子數世之仁也國風曰我今不

閱皇恤我後修身之仁也

左傳秦伯伐晉遂霸西戎用孟明也君子是以知秦穆

之爲君也舉人之周也與人之壹也子桑之忠也其知
人也能舉善也詩云詒厥孫謀以燕翼子子桑有焉

友公

三年

文王之什十篇六十六章

姪王

立校